

第三四一冊

明倫彙編

氏族典

氏族總部

（卷）
一一三

古今圖書集成

中華書局影印



卷一

古今圖書集成

卷一

欽定古今圖書集成明倫彙編氏族典

第一卷目錄

氏族總部彙考一

上古 伏羲氏一則 女皇氏一則 黃帝一則

有虞氏 舜一則

周 總一則

漢 高帝一則 成帝鴻嘉一則 霍子嬰初始

後漢 獻帝建安一則

吳 烏程侯建衡一則

晉 高帝一則

宋 孝武帝大明一則

南齊 武帝永明一則

梁 武帝普通一則 元帝承聖一則

北魏 太祖天賜一則 太宗一則 世祖一則 高祖太和二則 世宗一則 肅宗孝

昌一則 孝武帝永熙一則 文宣大統十則 廢帝二則 恭帝三則

氏族典第一卷

氏族總部彙考一

上古

伏羲氏始正姓氏

按史記補三皇本紀不載 按劉恕外紀上古男女

無別太昊始制嫁娶以儷皮為禮正姓氏通媒妁以

重人倫之本而民始不瀆

注 陳殷曰姓者統其祖考之所自出氏者別其子

孫之所自分

按路史太昊伏羲氏正姓氏通媒妁以重萬民之麗麗皮薦之以嚴其禮示合姓之難拼人情之不瀆女皇氏正姓氏以判萬民

按史記補三皇本紀不載 按路史女皇氏正姓氏職昏因通行媒以重萬民之判是曰神媒

黃帝定氏族別其子為十二姓

按國語泰伯召公子重耳於楚納女五人懷贏與焉公子欲辭司空季子曰同姓為兄弟黃帝之子二十

五人其同姓者二人而已唯青陽與夷鼓皆為己姓青陽方雷氏之甥也夷鼓彤魚氏之甥也其同生而

異姓者四母之子別為十二姓凡黃帝之子二十五宗其得姓者十四人為十二姓姬酉祁己滕箴任荀

偁姑娘依是也唯青陽與蒼林氏同於黃帝故皆為姬姓

按史記黃帝本紀黃帝二十五子其得姓者十四人注 索隱曰舊解破四為三言得姓十三人耳今按

國語胥臣云黃帝之子二十五宗其得姓者十四人為十二姓姬酉祁己滕箴任荀偁姑娘依是也

唯青陽與夷鼓同己姓又云青陽與蒼林為姬姓是則十四人為十二姓其文甚明唯姬姓再稱青

陽與蒼林蓋國語文誤所以致令前儒共疑其姬姓青陽當為元囂是帝嚳祖本與黃帝同姬姓其

國語上文青陽即是少昊金天氏為己姓者耳既理在不疑無煩破四為三

按路史黃帝有熊氏作玉律以應候氣薦之宗廟廢治忽以知三軍之消息以正名百物明民共財而定

氏族

注 易是類謀曰聖人興起不知姓名當吹律聽以別其姓黃帝吹律定姓是也律六律也故有五音姓之說堪輿經有黃帝問天老五姓而援神契亦謂聖王吹律有姓白虎通云聖王吹律定姓演孔

圖云孔子曰丘援律而吹命陰得羽之宮而李房推律亦謂五音生於本姓遂自定為京

氏定而繫之姓庶姓別於上而威殫於下婚姻不可以通所以崇倫類遠禽獸也

禮大傳云繫之以姓而弗別綴之以食而弗殊雖百世而婚姻不通周道然也或云六世親屬竭財

通婚姻故杜佑云商以上親不隔同姓妾也子二十五別姓者十二

為姓十一

祈酉膝箴任荀釐結偁依

荀國語史記皆作荀非

及二紀也

青陽夷彭

餘循姬姓

古書大概可質然不容無繆國語言青陽與夷彭同為紀姓是矣而又云青陽與蒼林為姬姓則非

也夫姬姓乃元囂而非青陽黃帝之子二十五人其十二人為十一姓餘十三人皆姬姓也今乃云

惟二人同於黃帝者為姬姓其得信邪且昌意元囂蒼林揮皆姬姓者豈惟二人哉

有虞氏

舜以禹治水功成乃錫土姓

按書經禹貢錫土姓

天子建德因生以賜姓謂有德之人生此地以此地名賜之姓以顯之周語稱帝嘉禹德賜姓曰姒胙四岳賜姓曰姜左傳稱周賜陳胡公之姓為嬌皆是因生賜姓之事也臣蒙賜姓其人少矣此事是用賢大者故舉以為言也全林氏曰水土平可以封建諸侯也如契封於商賜姓子稷封於邰賜姓姬有土有社昔固有之至是編錫之也按路史帝舜命伯禹繼平水土既釐下土方別居方別生分類錫土姓而下亡違者

周

周設小史以奠繫世設瞽矇以誦世繫按周禮春官小史掌邦國之志奠繫世辨昭穆

志謂記也春秋傳所謂周志國語所謂鄭書之屬是也繫世謂帝繫世本之屬是也小史主定之瞽矇誦之奠繫世者謂定帝繫世本辨昭穆者帝系世本之上皆自有昭穆親疎故須辨之天子謂之帝繫諸侯謂之世本

瞽矇誦詩世奠繫

世奠繫謂帝繫諸侯卿大夫世本之屬是也小史主次序先王之世昭穆之繫述其德行瞽矇主誦詩并誦世繫以戒勸人君也故國語曰教之世為之昭明德而廢幽昏焉以休懼其動帝繫據王即經繫也諸侯卿大夫謂之世本即經世也

漢

高帝五年賜項伯婁敬等姓劉氏

按漢書高帝本紀五年十二月圍羽垓下羽與數百騎走灌嬰追斬羽東城漢王以魯公葬羽於穀城漢

王為發喪哭臨而去封項伯等四人為列侯賜姓劉氏

注師古曰皆羽之族先有功於漢者

夏五月婁敬求見說上曰陛下取天下與周異而都雒陽不便不如入關據秦之固上以問張良良因勸上是日車駕西都長安拜婁敬為奉春君賜姓劉氏按項籍傳漢王以魯公號葬羽於穀城諸項支屬皆不誅封項伯等四人為列侯賜姓劉氏按劉敬傳車駕西都關中上曰本言都秦地者婁敬婁者乃劉也賜姓劉氏拜為郎中號奉春君

成帝鴻嘉年賜侍者李平姓衛氏

按漢書成帝本紀不載按班婕妤傳自鴻嘉後上稍隆於內寵婕妤進侍者李平平得幸立為婕妤上日始衛皇后亦從微起適賜平姓曰衛所謂衛婕妤也

孺子嬰初始十二年王莽賜嚴尤廉丹姓徵氏巨毋霸姓巨毋氏即新莽天

按漢書王莽傳天鳳六年匈奴右骨都侯須卜當其妻王昭君女也嘗內附莽遣昭君兄子和親侯王欽誘呼當至塞下脅將詣長安強立以為須卜善于後

安公始欲誘迎當大司馬嚴尤諫曰當在匈奴右部兵不侵邊單于動靜輒語中國此方面之大助也於今迎當置長安稟街一平人耳不如在匈奴有益莽不聽既得當欲遣尤與廉丹擊匈奴皆賜姓徵氏號二徵將軍當誅單于與而立當代之韓博上言有奇士長丈大十圍來至臣府曰欲奮擊匈奴自謂巨毋霸出於蓬萊東南五城西北昭如海濶輅車不能載

三馬不能勝即日以大車四馬建虎旗載霸詣闕霸臥則枕鼓以鐵箸食此皇天所以輔新室也願陛下作大甲高車寶育之衣遣大將一人與虎賁百人迎之於道京師門戶不容者開高大之以視百蠻鎮安天下博意欲以風莽莽聞惡之留霸在所新豐更其姓曰巨毋氏謂因文母太后而霸王符也徵博下獄以非所宜言棄市按王莽字巨君巨君霸似或莽之巨母則謂因母太后而霸此莽改姓意也

後漢

獻帝建安二十一年曹操改秦真姓曹氏按古天子賜姓姓

按三國志魏武帝本紀不載按曹真傳真字子丹太祖族子也太祖起兵真父即募徒眾為州郡所殺太祖哀真少孤收養與諸子同

魏略曰真本姓秦養曹氏或云其父伯南風與太祖善典平末袁術部黨與太祖攻劫太祖出為寇所追走入秦氏伯南開門受之寇問太祖所在答云我是也遂害之由此太祖思其功故變其姓

吳

烏程侯建衡二年改孫秀姓為厲氏

按三國志吳孫皓傳不載按孫恩傳匡子泰泰子秀為前將軍夏口督秀公室至親握兵在外皓意不能平建衡二年皓遣何定將五千人至夏口胤先是民間食言秀當見圖而定遠胤秀遂驚夜將妻子親兵數百人奔晉

注江表傳曰皓大怒追改秀姓曰厲

晉

惠帝 年摯虞進族姓昭穆十卷

按晉書惠帝本紀不載 按摯虞傳虞以漢末喪亂 諸傳多亡失雖其子孫不能言其先祖撰族姓昭穆 十卷上疏進之以爲足以備物致用廣多聞之益

宋

孝武帝大明三年改劉誕姓爲雷氏

按宋書孝武帝本紀不載 按竟陵王誕傳誕有殊 勳上性多猜頗相疑憚大明元年秋出爲都督南兗 南徐兗青冀幽六州諸軍事南兗州刺史誕既見猜 亦潛爲之備三年上將誅誕誕勒兵自衛隊主沈引 之殺之傳首京邑時年二十七因葬廣陵貶姓雷氏

南齊

武帝末明八年改蕭子響姓爲鳩氏

按南齊書武帝本紀末明八年八月子響伏誅改姓事不載 按魚復侯子響傳子響賜死有司請絕子響屬 籍削爵土收付廷尉法獄治罪賜姓爲鳩氏

梁

武帝普通六年改蕭綜姓爲悖氏尋復之

按梁書武帝本紀普通六年六月庚辰豫章王綜奔 於魏改姓事不載 按豫章王傳豫章王綜字世謙高祖 第二子也其母吳淑媛自齊東昏宮得幸於高祖七 月而生綜宮中多疑之者及淑媛寵衰怨望遂陳疑 似之說故綜懷之恆於別室祠齊氏七廟又微服至 曲阿拜齊明帝陵然猶無以自信聞俗說以生者血 漚死者骨漚卽爲父子綜乃私發齊東昏墓出骨漚 臂血試之并殺一男取其骨試之皆有驗自此常懷 異志會大舉北伐魏將元法僧以彭城降高祖乃令

綜都督衆軍鎮於彭城與魏將安豐王元延明相持 綜乃與數騎夜奔於延明改名續字德文追爲齊東 昏服斬衰於是有司奏削爵土絕屬籍改其姓爲悖 氏俄有詔復之

元帝承聖二年改蕭紀姓爲饒饒氏

按梁書元帝本紀承聖二年五月己丑蕭紀軍至西 陵秋七月辛未紀衆大潰遇兵死改姓事不載 按武陵 王傳武陵王紀字世詢高祖第八子也太清中侯景 亂紀乃僭號於蜀太清五年夏四月紀帥師東下丁 丑紀次於西陵世祖命護軍將軍陸法和於峽口夾 岸築二壘鎮江以斷之既而將軍樊猛獲紀殺之於 峽口有司奏請絕其屬籍世祖許之賜姓饒饒氏

北魏

太祖天賜元年立大師小師以辨姓族

按魏書太祖本紀天賜元年十有一月上幸西宮大 選朝臣令各辨宗黨保舉才行 按官氏志天賜元 年十一月以八國姓族難分故國立大師小師令辨 其宗黨品舉人才自八國以外郡各自立師職分如 八國比今之宗正也宗室立宗師亦如州郡八國之 儀

太宗 年賜赫連若豆根姓宿氏

按魏書太宗本紀不載 按宿石傳石朔方人也赫 連屈子弟文陳之曾孫也天興二年文陳父子歸闕 太祖嘉之以宗女妻焉賜奴婢數十口拜爲上將軍 祖若豆根太宗時賜姓宿氏

世祖 年賜禿髮賀氏源氏

按魏書世祖本紀不載 按源賀傳賀自署河西王

禿髮偃檀之子也偃檀爲乞伏熾磐所滅賀自樂都 來奔賀偉容貌善風儀世祖素聞其名及見器其機 辯賜爵西平侯加龍驤將軍謂賀曰卿與朕源同因 事分姓今可爲源氏

高祖太和十九年詔定族姓

按魏書高祖本紀不載 按官氏志太和十九年詔 曰代人諸胄先無姓族雖功賢之嗣混然未分故官 達者位極公卿其功衰之親仍居擢任比欲制定姓 族事多未就且宜甄擢隨時漸銓其穆陸賀劉樓于 稽尉八姓皆太祖已降勳著當世位盡王公灼然可 知者且下司州吏部勿充假官一同四姓自此以外 應班士流者尋續別敕原出朔土舊爲部落大人而 自皇始已來有三世官在給事已上及州刺史鎮大 將及品登王公者爲姓若非本非大人而皇始已來職 官三世尚書已上及品登王公而中間不降官緒亦 爲姓諸部落大人之後而皇始已來官不及前列而 有三世爲中散監已上外爲太守子都品登于男者 爲族若非本非大人而皇始已來三世有令已上外爲 副將子都太守品登侯已上者亦爲族凡此姓族之 支親與其身有總麻服已內微有一二世官者雖不 全充美例亦入姓族五世已外則各自計之不蒙宗 人之蔭也雖總麻而三世官不至姓班有族官則入 族官無族官則不入姓族之例也凡此定姓族者皆 具列由來直擬姓族以呈聞朕當決姓族之首末其 此諸狀皆須問宗族列疑明同然後勾其舊籍審其 官宦有實則奏不得輕信其言虛長僥倖不實者訴 人皆加傳旨問而詐不以實之坐選官依職事答問

不以實之條令司空公穆亮領軍將軍元儼中護軍廣陽王嘉尚書陸琇等詳定北人姓務令平均隨所了者三月一列簿帳送門下以聞於是升降區別矣自古天子立德因生以賜姓胙之土而命之氏諸侯則以家與諡官有世功則有官族邑亦如之姓則表其所由生氏則記族所由出其大略然也至於或自所居或以國號或用官爵或用事物雖緣時不同俱其義矣魏氏本居朔壤地遠俗殊賜姓命氏其事不一亦如長勺尾氏終葵之屬也初安帝統國諸部有九十九姓至獻帝時七分國入使諸兄弟各攝領之乃分其氏自後兼并他國各有本部部中別族為內姓焉年世稍久互以改易興衰存滅間有之矣今舉其可知者

獻帝以兄為紇骨氏後改為胡氏

次兄為普氏後改為周氏

次兄為拓拔氏後改為長孫氏

弟為達奚氏後改為奚氏

次弟為伊婁氏後改為伊氏

次弟為丘敦氏後改為丘氏

次弟為侯氏後改為亥氏

七族之興自此始也

又命叔父之嗣曰乙旃氏後改為叔孫氏

又命疏屬曰車焜氏後改為車氏

凡與帝室為十姓百世不通婚太和以前國之喪葬祠禮非十族不得與也高祖革之各以職司從事

神元皇帝時餘部諸姓內入者

丘穆陵氏後改為穆氏

丘穆陵氏後改為穆氏

步六孤氏後改為陸氏

賀賴氏後改為賀氏

獨孤氏後改為劉氏

賀樓氏後改為樓氏

勿忸于氏後改為于氏

是連氏後改為連氏

僕闌氏後改為僕氏

若千氏後改為苟氏

拔列氏後改為梁氏

撥略氏後改為略氏

若口引氏後改為寇氏

叱羅氏後改為羅氏

普陋茹氏後改為茹氏

賀葛氏後改為葛氏

是賁氏後改為封氏

阿伏于氏後改為阿氏

可地延氏後改為延氏

阿鹿桓氏後改為鹿氏

他駱拔氏後改為駱氏

薄奚氏後改為薄氏

烏九氏後改為桓氏

素和氏後改為和氏

吐谷渾氏依舊吐谷渾氏

胡古口引氏後改為侯氏

賀若氏依舊賀若氏

谷渾氏後改為渾氏

匹婁氏後改為婁氏

侯力伐氏後改為鮑氏

吐伏盧氏後改為盧氏

牒云氏後改為云氏

是云氏後改為是氏

叱利氏後改為利氏

副呂氏後改為副氏

那氏依舊那氏

如羅氏後改為如氏

乞扶氏後改為扶氏

阿單氏後改為單氏

侯幾氏後改為幾氏

賀兒氏後改為兒氏

吐奚氏後改為古氏

出連氏後改為畢氏

庾氏依舊庾氏

賀拔氏後改為何氏

叱呂氏後改為呂氏

莫那婁氏後改為莫氏

奚斗盧氏後改為索盧氏

莫蘆氏後改為蘆氏

出大汗氏後改為韓氏

沒路真氏後改為路氏

尾地干氏後改為尾氏

莫輿氏後改為輿氏

紇干氏後改為干氏

侯伏斤氏後改為伏氏

是樓氏後改為高氏

尸突氏後改爲屈氏
脊盧氏後改爲脊氏
嚙石蘭氏後改爲石氏
解枇氏後改爲解氏
奇斤氏後改爲奇氏
須卜氏後改爲卜氏
丘林氏後改爲林氏
大莫干氏後改爲卻氏
余綿氏後改爲綿氏
蓋樓氏後改爲蓋氏
素黎氏後改爲黎氏
渴單氏後改爲單氏
壹斗奢氏後改爲明氏
叱門氏後改爲門氏
宿六斤氏後改爲宿氏
秘邗氏後改爲邗氏
土難氏後改爲山氏
屋引氏後改爲房氏
樹洛干氏後改爲樹氏
乙弗氏後改爲乙氏
東方宇文慕容氏卽宣帝時東部此二部最爲強盛別自有傳
南方有茂眷氏後改爲茂氏
宥連氏後改爲雲氏
次南有紇豆陵氏後改爲實氏
侯莫陳氏後改爲陳氏
庫狄氏後改爲狄氏

太洛稽氏後改爲稽氏
柯拔氏後改爲柯氏
西方尉遲氏後改爲尉氏
步鹿根氏後改爲步氏
破多羅氏後改爲潘氏
叱干氏後改爲薛氏
俟奴氏後改爲俟氏
輾遲氏後改爲展氏
費連氏後改爲費氏
其連氏後改爲基氏
去斤氏後改爲艾氏
渴侯氏後改爲緞氏
叱盧氏後改爲祝氏
和稽氏後改爲緩氏
寃賴氏後改爲就氏
寃盆氏後改爲溫氏
達勃氏後改爲衷氏
獨孤渾氏後改爲杜氏
凡此諸部其渠長皆自統衆而尉遲已下不及賀蘭諸部氏
北方賀蘭氏後改爲賀氏
郁都甄氏後改爲甄氏
統奚氏後改爲稽氏
越勒氏後改爲越氏
叱奴氏後改爲狠氏
渴燭渾氏後改爲味氏
庫褥官氏後改爲庫氏

烏洛蘭氏後改爲蘭氏
一郝婁氏後改爲婁氏
羽弗氏後改爲羽氏
凡此四方諸部歲時朝貢登國初太祖散諸部落始同爲編民
太和二十年春正月丁卯詔改姓爲元氏
按魏書高祖本紀云云
按續文獻通考魏道武詔以北人謂土爲拓后爲跋魏之先出於黃帝以土德王故爲拓跋氏夫土者黃中之色萬物之元也宜改姓元氏
世宗 年遣尚書于忠等量定代人族姓
按魏書世宗本紀不載 按官氏志世宗代人猶以姓族辭訟又使尚書于忠尚書元匡侍中穆詔尚書元萇等量定之 按于忠傳忠爲衛尉卿河南邑中正詔忠與吏部尚書元暉度支尚書元匡河南尹元萇等推定代方姓族
肅宗孝昌三年詔改元鑒姓
按魏書肅宗本紀不載 按安樂王傳安樂王長樂子詮詮子鑒鑒後除相州刺史北討大都督討葛榮仍兼尚書右僕射北道行臺尚書令與都督裴衍共救信都鑒既庸才諸弟疊暴見天下多事遂謀反降附葛榮都督源子邕與裴衍合圖鑒斬首傳洛詔改其元氏莊帝初許復本族
按通鑑綱目孝昌三年秋七月安樂王鑒以鄴叛降葛榮八月大都督源子邕拔鄴城誅元鑒
孝武帝末熙三年宇文泰改韓婁姓侯呂陵氏王德姓烏九氏按古天子賜姓秦尚爲人臣故不書賜姓但云改姓

按魏書孝武帝本紀周書文帝本紀俱不載 按周書韓褒傳褒深沈有遠略太祖爲丞相引褒爲錄事

參軍賜姓侯呂陵氏大統初遷行臺左丞 按王德傳德與寇洛等定議翊戴太祖加征西將軍金紫光祿大夫平涼郡守及魏孝武西遷以奉迎功進封下

博縣伯邑五百戶行東雍州事在州未幾百姓懷之賜姓烏九氏大統元年拜衛將軍右光祿大夫

按通鑑綱目末熙三年冬十月以宇文泰爲大丞相文帝大統元年宇文泰改侯植姓侯伏侯氏

按周書文帝本紀不載 按侯植傳植少倜儻有大節容貌奇偉武藝絕倫正光中起家奉朝請尋以功拜統軍遷清河郡守後從賀拔岳討万俟醜奴等每

有戰功除義州刺史及齊神武逼洛陽植從魏孝武西遷大統元年授驃騎將軍都督賜姓侯伏侯氏

按周書文帝本紀不載 按蘇綽傳綽弟椿性廉慎沈勇有決斷大統初拜鎮東將軍金紫光祿大夫賜姓賀蘭氏 按李和傳和少敢勇有識度狀貌魁偉

爲州里所推賀拔岳作鎮關中乃引和爲帳內都督以破諸賊功稍遷征北將軍金紫光祿大夫尋除漢陽郡守至大統初加車騎將軍左光祿大夫都督累

遷使持節車騎大將軍儀同三司散騎常侍侍中驃騎大將軍開府儀同三司夏州刺史賜姓宇文氏

大統四年宇文泰改王盟姓拓王氏 按周書文帝本紀大統四年趙青雀據長安子城太祖

祖攻破之賜姓事 按王盟傳盟字子仲明德皇后

之兄也魏文帝東征以雷後大都督行雍州事節度關中諸軍趙青雀之亂盟與開府李虎輔魏太子出

頓渭北事平進爵長樂郡公賜姓拓王氏按北史作拓拔氏 大統九年宇文泰改陸通姓步六孤氏劉亮姓侯莫

陳氏李賢妻吳姓宇文氏 按周書文帝本紀不載 按陸通傳通少敦敏好學有志節文帝在夏州引爲帳內督以迎孝武功封都

昌縣伯大統元年進爵爲侯從禽寶泰復弘農沙苑之役力戰有功又從解洛陽圍從平青雀錄前後功

進爵爲公與千謹討劉平伏加大都督從文帝援玉壁進儀同三司九年高仲密以地來附通從若干惠

戰於芒山進授驃騎大將軍開府儀同三司太僕卿賜姓步六孤氏進爵綏德郡公 按劉亮傳亮本名

道德大統元年以復潼關功進位車騎大將軍儀同三司尋加侍中遷大都督亮以勇敢見知爲時名將

兼屢陳謀策多合機宜太祖乃謂之曰卿文武兼資卽孤之孔明也乃賜名亮并賜姓侯莫陳氏十年出

爲東雍州刺史 按李賢傳高祖及齊王憲之在襁褓也以避忌不利居宮中太祖令於賢家處之六載

乃還宮因賜賢妻吳姓宇文氏養爲姪女賜與甚厚按高祖以大統九年生於同州故李賢妻賜姓附此

大統十二年宇文泰改侯植姓賀屯氏 按周書文帝本紀不載 按侯植傳植從太祖破沙

苑戰河橋進大都督加左光祿大夫涼州刺史宇文仲和據州作逆植從開府獨孤信討擒之拜車騎大

將軍儀同三司封肥城縣公邑一千戶又賜姓賀屯按宇文仲和以大統十二年叛故載於此

大統十三年宇文泰改蔡祐姓大利稽氏辛威姓普毛氏 按周書文帝本紀不載 按蔡祐傳祐有膂力便騎

射太祖在涼州召爲帳下親信太祖還夏州以祐爲都督及侯莫陳悅害賀拔岳從討破之又從迎魏孝

武於潼關大統初從太祖擒寶泰復弘農戰沙苑皆有功又從太祖戰於河橋九年太祖與齊神武遇戰

於邙山祐所向無敵十三年賜姓大利稽氏進爵懷寧郡公 按辛威傳威少慷慨有志略初從賀拔岳

征討有功及太祖統岳之衆見威奇之引爲帳內尋授羽林監從迎魏孝武因攻回洛城功居最大統元

年拜寧遠將軍累遷通直散騎常侍從擒寶泰復弘農戰沙苑並先鋒陷敵勇冠一時從于謹破襄城又

從獨孤信入洛陽經河橋陣十三年賜姓普毛氏出爲鄜州刺史

大統 年宇文泰改有功諸將姓 按周書文帝本紀不載 按梁臺傳臺少果敢有志

操賀拔岳引爲心膂岳爲侯莫陳悅所害臺與諸將議翊戴太祖從討悅破之大統初又與太僕石猛破

兩山屠各復與于謹破劉平伏錄前後勳授潁州刺史賜姓賀蘭氏從援玉壁戰邙山授帥都督大統十

五年拜南夏州刺史 按劉雄傳雄少機辯慷慨有大志大統中起家爲太祖親信尋授統軍宣威將軍

給事中除子城令加都督輔國將軍中散大夫兼中書舍人賜姓宇文氏 按田弘傳弘少慷慨志立功

名膂力過人敢勇有謀略從太祖復弘農戰沙苑解洛陽圍破河橋陣弘功居多累蒙殊賞賜姓乾干氏

尋授原州刺史 按赫連達達會祖庫多汗因避
難改姓杜氏達性剛鯁有膽力魏孝武入關褒敘勳
義以達首逆元帥匡復秦隴進爵魏昌縣伯邑五百
戶從復弘農戰沙苑皆有功又增邑八百戶詔復姓
赫連氏 按閭慶傳慶以大統三年自宜陽歸關邛
山之戰先登陷陣拜撫軍將軍大都督屢展勳勞累
遷使持節車騎大將軍儀同三司散騎常侍驃騎大
將軍開府儀同三司雲州大中正加侍中賜姓大野
氏 按王保傳保少有壯志每以功名自許善騎射
有膂力復潼關破沙苑爭河橋戰邛山皆以勇敢聞
親待日隆賞賜加於倫等於是賜姓宇文氏除岐州
刺史 按楊纂傳纂少習軍旅慷慨有志略尤工騎
射勇力兼人年二十從齊神武起兵於信都大統初
乃間行歸款從太祖解洛陽圍經河橋邛山之戰纂
每先登軍中咸推其敢勇景遷使持節車騎大將軍
儀同三司散騎常侍驃騎大將軍開府儀同三司加
侍中賜姓莫胡盧氏俄授岐州刺史孝閔帝踐祚進
爵宋熙郡公 按段末傳末幼有志操大統初歸款
從擒寶泰復弘農破沙苑並有戰功河橋之役末力
戰先登授南汾州刺史累遷大都督車騎大將軍儀
同三司散騎常侍驃騎大將軍開府儀同三司賜姓
爾綿氏魏廢帝元年授恆州刺史 按令狐整傳整
字延保燉煌人也本名延幼聰敏沈深有識量學藝
騎射並為河右所推鄧彥竊瓜州整密應使者申徵
執彥送京師張保構逆整襲之保遂奔吐谷渾於是
徵整赴闕授壽昌郡守太祖謂整曰卿勳同費項義
等骨肉立身敦雅可以範人遂賜姓宇文氏并賜名

整焉宗人二百餘戶並立屬籍孝閔踐祚拜司憲中
大夫 按李昶傳昶神情清悟應對明辯太祖奏為
御史中尉歲餘加使持節車騎大將軍儀同三司賜
姓宇文氏六官建拜內史下大夫 按唐瑾傳瑾性
溫恭有器量博涉經史雅好屬文身長八尺二寸容
貌甚偉年十七周文聞其名召拜尚書員外郎相府
記室參軍事從破沙苑戰河橋並有功封姑臧縣子
累遷戶部尚書進位驃騎大將軍開府儀同三司賜
姓宇文氏時燕公于謹勳高望重朝野所屬白文帝
言瑾學行兼修願與之同姓結為兄弟庶子孫承其
餘論有益義方文帝歎異者久之更賜瑾姓萬紐干
氏 按薛善傳善為汾陰令幹用強明一郡稱最尋
徵為行臺郎中時欲廣置屯田以供軍費乃除司農
少卿領同州夏陽縣二十屯監又於夏陽諸山置鐵
冶復令善為治監遷大丞相府從事中郎追論屯田
功賜爵龍門縣子遷黃門侍郎除河東郡守進驃騎
大將軍開府儀同三司賜姓宇文氏
按隋書楊尚希傳尚希韶訖而孤年十一辭母請受
業長安涿郡盧辯見而異之令入太學專精不倦同
輩皆共推伏周太祖嘗親臨釋奠尚希時年十八令
講孝經詞旨可觀太祖奇之賜姓普六茹氏擢為國
子博士 按張熨傳熨父羨少好學多所通涉仕魏
為蕩難將軍從武帝入關累遷銀青光祿大夫周太
祖引為從事中郎賜姓叱羅氏 按諸人關姓皆大統
間事而年月無確考
於此
大統十五年宇文泰改耿豪姓和稽氏崔謙崔詵姓
宇文氏趙貴姓乙弗氏是年又詔代人復其舊姓

按周書文帝本紀不載 按耿豪傳豪少獵獮有武
藝好以氣凌人賀拔岳西征引為帳內岳被害歸太
祖以武勇見知豪亦自謂所事得主從討侯莫陳悅
及迎魏孝武從擒寶泰復弘農沙苑之戰豪殺傷甚
多血染甲裳盡赤九年從太祖戰於邛山豪大呼獨
入太祖嘉之十三年論前後戰功進授車騎大將軍
儀同三司十五年賜姓和稽氏 按崔謙傳謙深沈
有識量大統三年從太祖擒寶泰戰沙苑並有功四
年從太祖解洛陽圍仍經河橋戰十五年破柳仲禮
於隨郡討平李遷哲於魏興並有功進驃騎大將軍
開府儀同三司直州刺史賜姓宇文氏謙弟說少鯁
直有節槩膂力過人尤工騎射從太祖復弘農戰沙
苑皆有功累封安固縣侯賜姓宇文氏 按趙貴傳
貴拜大將軍東魏將高岳慕容紹宗等圍王思政於
潁川貴率軍援之思政沒貴乃班師尋拜柱國將軍
賜姓乙弗氏 按王思政以貴賜姓宇文氏
年敗趙貴賜姓附五
按通鑑綱目大統十五年五月詔代人復其舊姓
大統十六年宇文泰改鄧孝穆薛端姓宇文氏
按周書文帝本紀不載 按鄧孝穆傳孝穆幼而謹
厚以清約自居年未弱冠涉獵經史大統十六年太
祖總戎東討除大丞相府右長史大將軍遂發武率
衆經略漢中以孝穆為梁州刺史以疾不之郡拜中
書令賜姓宇文氏 按薛端傳端性強直每有奏請
不避權貴大統十六年大軍東討柱國李弼為別道
元帥妙簡首僚數日不定太祖謂弼曰為公思得一
長史無過薛端弼對曰真奇才也乃遣之加授車騎
大將軍儀同三司轉尚書左丞進授吏部尚書賜姓

宇文氏

大統十七年宇文泰改崔猷姓宇文氏趙肅姓乙弗氏

按周書文帝本紀不載 按崔猷傳猷博陵安平人性頗正有軍國籌略大統十六年大軍東征太祖命隨軍與之籌議十七年進侍中驃騎大將軍開府儀同三司本州大中正賜姓宇文氏 按趙肅傳肅早有操行知名於時大統十六年除廷尉卿加征東將軍十七年進位車騎大將軍儀同三司散騎常侍賜姓乙弗氏

廢帝元年宇文泰改李弼姓徒何氏李彥姓宇文氏楊忠姓普六茹氏李虎姓大野氏

按周書文帝本紀不載 按李弼傳弼字景和遼東襄平人也魏廢帝元年賜姓徒何氏 按李彥傳彥少有節操好學慕古為鄉閭之所敬憚魏廢帝初拜尚書右丞轉左丞遷給事黃門侍郎仍左丞尋進車騎大將軍儀同三司賜姓宇文氏

按隋書高祖本紀皇考從周太祖起義關西賜姓普六茹氏位至柱國大司空隋國公

按唐書高祖本紀高祖姓李氏隴西成紀人也其七世祖嵩是為涼武昭王嵩生欲飲生重耳生熙熙生天賜天賜生虎西魏時賜姓大野氏官至太尉與李弼等八人佐周代魏有功皆為柱國號八柱國

按周書文帝本紀不載 按申徵傳文帝臨夏州以徵為記室參軍兼府主簿文帝察徵沈密有度量每

事信委之乃為大行臺郎中以迎孝武功封博平縣子本州大中正大統初進爵為侯十六年徵兼尚書右僕射廢帝二年進爵為公正右僕射賜姓宇文氏 按柳敏傳敏為禮部郎中尉遲迴伐蜀以敏為行軍司馬軍中籌略並以委之益州平進驃騎大將軍開府儀同三司加侍中遷尚書賜姓宇文氏 按張軌傳軌少好學志識開朗魏廢帝元年進車騎大將軍儀同三司散騎常侍二年賜姓宇文氏行南秦州事

恭帝元年宇文泰復魏姓為拓拔氏有功諸將皆與以魏初大姓

按周書文帝本紀魏恭帝元年魏氏之初統國三十六大姓九十九後多絕滅至是以諸將功高者為三十六國後次功者為九十九姓後所統軍人亦改從其姓 按王雄傳雄字胡布頭太原人也魏恭帝元年賜姓可頻氏 按王勇傳勇少雄健有膽決便弓馬膂力過人太祖引為帳內直溫都督加後將軍大

中大夫從擒寶泰復弘農戰沙苑氣蓋眾軍所當必破太祖歎其勇敢賞賜特隆從討趙青雀平之論功居最邛山之戰勇率敢死之士三百人並執短兵大呼直進出入衝擊殺傷其多敵人無敢當者魏恭帝元年從柱國趙貴征茹茹破之勇追擊獲雜畜數千頭進爵新陽郡公仍賜姓庫汗氏 按章孝寬傳叔

裕字孝寬少以字行世為三輔著姓恭帝元年以大將軍與燕國公于謹伐江陵平之以功封穰縣公遷拜尚書右僕射賜姓宇文氏二年周文北巡命孝寬還鎮玉壁 按楊紹傳紹少慷慨有志略屢從征伐

力戰有功從柱國燕國公于謹圍江陵紹闢千柁把門流矢中股而力戰不衰事平賞奴婢一百口進驃騎大將軍開府儀同三司除衡州刺史賜姓叱利氏 按李穆傳穆少明敏有度量太祖入關給使事左右深被親遇河橋之戰太祖所乘馬中流矢驚逸太祖墜於地軍中大擾敵人追及之左右皆奔散穆以馬授太祖遂得俱免是日徵穆太祖已不濟矣自是恩盼更隆特賜鐵券恕以十死從解玉壁圍拜安定國中尉尋授同州刺史人為太僕卿征江陵功封一子長城縣侯邑千戶尋進位大將軍賜姓擒拔氏

按通鑑綱目魏主謀誅宇文泰謀泄泰廢魏主立其弟齊王廓復姓拓跋氏

恭帝二年宇文泰改裴文舉姓賀蘭氏韋瑱姓宇文氏陳忻姓尉遲氏

按周書文帝本紀不載 按裴文舉傳文舉少忠謹涉獵經史大統十年起家奉朝請遷丞相府墨曹參軍遷威烈將軍著作郎中外府參軍事魏恭帝二年賜姓賀蘭氏 按韋瑱傳瑱篤志好學兼善騎射大統八年太祖徵拜鴻臚卿進車騎大將軍儀同三司

散騎常侍魏恭帝二年賜姓宇文氏 按陳忻傳忻少驍勇有氣俠姿貌魁岸同類咸敬憚之魏恭帝二年進位驃騎大將軍開府儀同三司加侍中其年授宜陽邑大中正賜姓尉遲氏 恭帝三年宇文泰改叱羅協姓宇文氏寇偶姓若口引氏 按周書文帝本紀不載 按叱羅協傳協以功授開

府爲大將軍魏恭帝三年太祖徵協入朝論蜀中事
乃賜姓宇文氏 按寇僞傳僞性寬雅幼有識量好
學臨記大統二年東魏授僞洛州刺史僞謀歸闕五
年將家及親屬四百餘口入關拜祕書監加鎮東將
軍十七年除車騎大將軍儀同三司加散騎常侍魏
恭帝三年賜姓若口引氏

欽定古今圖書集成明倫彙編氏族典

第二卷目錄

氏族總部彙考二

北齊 文宣帝天保一則 後主天統一則

北周 宣帝一則 靜帝大象一則 武帝二則

隋 文帝開皇二則 煬帝大業三則

唐 高祖武德四則 太宗貞觀三則 高宗永徽一則 元宗開元三則 肅宗至德一則 憲宗元和一則 穆宗長慶一則 敬宗寶昌一則 懿宗咸通一則 僖宗乾符一則 中興一則 光啓一則 昭宗龍紀一則 大順一則 乾寧一則 光化一則 天復一則

後唐 莊宗天祐二則 同光三則 明宗天成

後唐 莊宗天祐二則 同光三則 明宗天成

後唐 莊宗天祐二則 同光三則 明宗天成

後唐 莊宗天祐二則 同光三則 明宗天成

後唐 莊宗天祐二則 同光三則 明宗天成

後唐 莊宗天祐二則 同光三則 明宗天成

後唐 莊宗天祐二則 同光三則 明宗天成

後唐 莊宗天祐二則 同光三則 明宗天成

後唐 莊宗天祐二則 同光三則 明宗天成

後唐 莊宗天祐二則 同光三則 明宗天成

後唐 莊宗天祐二則 同光三則 明宗天成

後唐 莊宗天祐二則 同光三則 明宗天成

後唐 莊宗天祐二則 同光三則 明宗天成

後唐 莊宗天祐二則 同光三則 明宗天成

後唐 莊宗天祐二則 同光三則 明宗天成

後唐 莊宗天祐二則 同光三則 明宗天成

後唐 莊宗天祐二則 同光三則 明宗天成

後唐 莊宗天祐二則 同光三則 明宗天成

後唐 莊宗天祐二則 同光三則 明宗天成

氏族典第二卷

氏族總部彙考二

北齊

文宣帝天保十年詔冒姓元氏者俱復本姓賜元景安姓高氏元纘姓步六孤氏

按北齊書文宣帝本紀天保十年五月癸未誅始平

公元世東平公元景式等二十五家特進元韶等十

九家並令禁止秋八月癸卯詔諸軍民或有祖父改

姓冒入元氏或假托攜認妄稱姓元者不問世數遠

近悉聽改復本姓 按元纘傳纘魏太師江陽王繼子肅宗元皇后之父也歷光祿卿天保十年大誅元氏肅宗爲蠻苦請因是追原之賜姓步六孤氏 按

元景安傳景安魏昭成五世孫也父末乾鄉男景安沈敏有幹局少工騎射善於事人天保初加征西將

軍別封典勢縣開國伯帶定襄縣令賜姓高氏初末兄祚襲爵陳雷王祚卒子景皓嗣天保時諸元帝室

親近者多被誅戮疏宗如景安之徒議欲請姓高氏景皓云豈得棄本宗逐他姓大丈夫寧可玉碎不能

瓦全景安遂以此言白顯祖乃收景皓誅之家屬徙彭城由是景安獨賜姓高氏自外聽從本姓永弟种

子豫字景豫美姿儀有器幹永安中羽林監元顥入洛以守河內功賜爵永安君後爲濮陽郡守魏彭城

王韶引爲開府諮議參軍韶出鎮定州啓爲定州司馬及景安告景皓慢言引豫言相應和豫占云爾時

以衣袖掩景皓口云兄莫妄言及問景皓與豫所列符同復免自外同聞語者數人皆流配遠方豫卒於

徐州刺史

後主天統二年賜元文遙姓高氏

按北齊書後主本紀不載 按元文遙傳文遙魏昭

成皇帝六世孫也齊受禪後歷給事黃門侍郎散騎常侍侍中中書監天統二年詔特賜姓高氏籍屬宗

正子弟依例歲時入朝

北周

孝閔帝元年賜柳慶王悅韓雄等姓宇文氏周搖姓

車非氏孝閔帝不改元 按周書孝閔帝本紀不載 按柳慶傳慶天性抗直

無所回避太祖深委仗焉孝閔帝踐祚賜姓宇文氏進爵平齊縣公 按王悅傳悅少有氣幹爲州里所稱干謹伐江陵平悅從軍展效因雷鎮之孝閔踐祚授鄆州進爵藍田縣侯還司憲中大夫賜姓宇文氏又進爵河北縣公 按韓雄傳雄少敢勇膂力絕人

工騎射有將帥材略孝閔帝踐祚進爵新義郡公賜姓宇文氏

按隋書周搖傳搖字世安其先與後魏同源初爲普乃氏及居洛陽改爲周氏搖少剛果有武藝性謹厚

動遵法度仕魏官至開府儀同三司周閔帝受禪賜姓車非氏封金木郡公

明帝元年賜趙超劉志寮允等姓宇文氏高賓姓獨孤氏是年

按周書明帝本紀不載 按趙超傳超少聰明有志節以功封章武縣伯世宗錄前後功進爵長道郡公

賜姓宇文氏賞勞甚厚二年徵拜賓部中大夫行吏部 按裴果傳劉志以廣州來附拜大丞相府墨曹

參軍封華陰縣男邑二百戶還國子祭酒世宗出牧宜州太祖以志爲幕府司錄世宗遷還岐州又令志

以本官朝從及世宗即位除右金紫光祿大夫車騎大將軍儀同三司進爵武鄉郡公增邑通前一千戶

仍賜姓宇文氏 按高賓傳賓少聰穎有文武幹用大統六年歸闕世宗初除咸陽郡守加使持節車騎

大將軍儀同三司散騎常侍賜姓獨孤氏又有安定寮允本姓牛氏亦有器幹知名於時歷官侍中驃騎大將軍開府儀同三司工部尚書臨涇縣公賜姓宇文氏

按隋書牛弘傳弘字里仁安定鵠人也本姓察氏父允魏侍中工部尚書臨涇公賜姓為牛氏按秦允事南史

互異考

明帝二年賜寇和姓若口引氏

按周書明帝本紀不載 按寇洛傳太祖以洛為右大都督從討侯莫陳悅平之拜涇州刺史大統初魏文帝詔進爵京兆郡公四年鎮東雍五年卒於鎮子和嗣世宗二年錄勳舊以洛配享太祖廟庭賜和姓若口引氏改封松陽郡公

武帝

年許叱羅協復姓

按周書武帝本紀不載 按叱羅協傳晉公護徵協入朝引與同宿深寄託之協欣然承奉誓以軀命自効協既受護重委冀得婚連帝室乃求復舊姓叱羅氏護為奏請高祖許之

建德六年賜郭衍姓叱羅氏

按周書武帝本紀不載 按隋書郭衍傳衍少驍勇善騎射建德中從武帝與齊主大戰於晉州追齊師至高壁敗之仍從平并州以功封武強縣公邑一千二百戶賜姓叱羅氏宣政元年為右中軍熊渠中大

夫按周以建德六年平齊故載於此

宣帝 年改高姓為姜

按周書宣帝本紀帝不聽人有高大之稱諸姓高者改為姜

靜帝大象二年詔賜姓者悉復舊

按周書靜帝本紀大象二年十二月癸亥詔曰詩稱不如同姓傳曰異姓為後蓋明辨親疎皎然不雜太祖受命龍德猶潛錄表革代之文星垂除舊之象三

分天下志扶魏室多所改作冀允上元文武羣官賜姓者衆本殊國邑實乖胙土不歆非類異骨肉而共承嘗不愛其親在行路而敘昭穆且神微革姓本為曆數有歸天命在人推讓終而弗從故君臨區宇累世於茲不可仍遵謙挹之旨久行權宜之制諸改姓者悉宜復舊

按唐書高祖本紀高祖姓李氏隴西成紀人也其祖虎西魏時賜姓大野氏隋文帝與高祖相親愛文帝相周復高祖姓李氏

隋

文帝開皇元年復車非搖姓周氏叱羅衍姓郭氏

按隋書高祖本紀不載 按周搖傳搖拜晉州總管時高祖為定州總管文獻高后自京師詣高祖路經搖所主禮甚薄高祖以其奉法每嘉之及為丞相拜豫州總管高祖受禪復姓周氏 按郭衍傳衍密勸高祖殺周室諸王早行禪代由是大被親昵開皇元年赦復舊姓為郭氏

開皇 年賜尉遲義臣姓楊氏

按隋書高祖本紀不載 按楊義臣傳義臣本姓尉遲氏父崇仕周為儀同大將軍以兵鎮恒山高祖為丞相尉遲作亂崇以宗族之故自囚於獄遣使請罪高祖下書慰諭之即命馳驛入朝極置左右開皇初封泰興縣公歲餘從行軍總管達奚長儒擊突厥於周盤力戰而死贈大將軍豫州刺史以義臣襲崇官爵時義臣尚幼養於宮中未弱冠奉詔宿衛如千牛者數年賞賜甚厚上嘗從容言及恩舊顧義臣嗟歎久之因下詔曰朕受命之初羣兒未定明識之士

有足可懷尉義臣與尉遲本同骨肉既在悖作亂鄴城其父崇時在常山典司兵甲與迴鄰接又是至親知逆順之理識天人之意即陳丹款慮染惡徒自執有司請歸相府及突厥內侵橫戈制敵輕生重義馬革言旋操表存亡事貫幽顯雖高官大賞延及於世未足表松筠之志彰節義之門義臣可賜姓楊氏賜錢三萬貫酒三十斛米麥各百斛編之屬籍為皇從孫 按鮑宏傳宏為邛州刺史秩滿還京時有尉義臣者其父崇不從尉遲後復與突厥戰死上嘉之將賜姓為金氏訪及羣下宏對曰昔項伯不同項羽漢

高賜姓劉氏秦真父能死難魏武賜姓曹氏如臣愚見請賜以皇族高祖曰善因賜義臣姓為楊氏

煬帝大業 年賜章仇太翼姓盧氏

按隋書煬帝本紀不載 按盧太翼傳太翼字協昭本姓章仇氏善占候葬曆之術煬帝即位漢王諒反帝以問之答曰上稽元象下參人事何所能為未幾諒果敗帝嘗從容言及天下氏族謂太翼曰卿姓章仇四岳之胃與盧同源於是賜姓為盧氏

大業九年改楊元感姓為臧氏

按隋書煬帝本紀大業九年八月壬寅左聖衛大將軍宇文述等破楊元感于閭鄉改姓事 按楊元感傳元感敗公卿請改元感姓為臧氏詔可之

大業十三年唐公李淵改史大柰李黎姓

按唐書高祖本紀大業十三年十一月丙辰克京城不載事 按史大柰傳大柰本西突厥特勤也與處羅可汗入隋事煬帝從伐遼積勞為金紫光祿大夫後分其部於樓煩高祖與太原大柰提其衆諫麾下

從平長安以功多賞帛五千匹賜姓史 按李元紱傳元紱本姓丙氏曾祖榮仕隋為屯衛大將軍煬帝使督京師之西二十四郡盜賊善撫循能得士心高祖與之厚及兵入關以衆歸授宗正卿應國公賜姓李

唐

高祖武德二年賜徐勣羅藝姓李氏

按唐書高祖本紀不載 按李勣傳勣字懋功曹州離狐人本姓徐氏隋大業末韋城翟讓為盜勣年十七往從之李密亡命雍丘勣與凌儀王伯當共說讓推密為主武德二年密歸朝廷其地東屬海南至江西直汝北抵魏郡勣統之未有所屬謂長史郭孝恪曰人衆士宇皆魏公有也吾若獻之是利主之敗為己功吾所羞也乃錄郡縣戶口以啓密請自上之使至高祖訝無表使者以意聞帝喜曰純臣也詔授黎州總管封英國公賜姓附宗正屬籍 按羅藝傳藝自稱幽州總管宇文化及至山東遣使招藝藝斬使者時實建德高開道亦遣使於藝藝謂官屬曰建德等皆劇賊不足其功名唐公起兵據關中民望所係王業必成吾決歸之敢異議者戮會張道源撫輯山東亦論藝降武德二年乃奉表以地歸詔封燕王賜姓豫屬籍

按舊唐書高祖本紀武德二年閏二月己酉李密舊將徐世勣以黎陽之衆及河南十郡降授黎州總管封曹國公賜姓李氏冬十月己亥封幽州總管羅藝為燕郡王賜姓李氏

武德三年賜劉季真杜伏威高開道姓李氏

按唐書高祖本紀不載 按劉季真傳季真弟六兒附劉武周季真從之迭為邊害西河公張綸真鄉公李仲文合兵討之季真降詔以為石州總管賜姓李封彭山郡王 按杜伏威傳伏威從丹陽自稱大行臺上表越王侗侗以為東南道大總管封楚王是時秦王方討王世充遣使招懷伏威乃獻款高祖授以東南道行臺尚書令江淮安撫大使上柱國吳王賜姓豫屬籍 按高開道傳開道稱燕王建元署置百官實建德圍羅藝於幽州藝請救開道以騎二千赴之建德解去乃因藝使請降詔以為蔚州總管上柱國北平郡王賜姓李

按舊唐書高祖本紀三年三月甲戌封賊帥劉季真為彭城王賜姓李氏六月壬辰徙封楚王杜伏威為吳王賜姓李氏加授東南道行臺尚書令冬十月庚子懷戎賊帥高開道遣使降授蔚州總管封北平郡王賜姓李氏

武德四年賜胡大恩姓李氏

按唐書高祖本紀不載 按舊唐書高祖本紀四年春正月丁卯實建德行臺尚書令胡大恩以大安鎮來降封定襄郡王賜姓李氏

武德五年賜郭子和姓李氏

按唐書高祖本紀不載 按李子和傳子和同州蒲城人本郭氏為隋左翊衛以罪徙榆林大業末郡饒子和與死士十八人執丞王才數以不恤下斬之開倉賑窮之自號末樂王建元丑平武德元年獻款授靈州總管金河郡公徙鄜國公五年從平劉黑闥有功賜姓拜右武衛將軍

太宗貞觀 年賜拓跋赤辭姓李氏

按唐書太宗本紀不載 按宋史西夏傳唐貞觀初有拓跋赤辭者歸唐太宗賜姓李置靜邊等州以處之其後析居夏州者號平夏部

貞觀十二年頒氏族志

按唐書太宗本紀不載 按高士廉傳初太宗嘗以山東士人尚閭閻後雖袁子孫允負世望嫁娶必多取資故人謂之賣婚由是詔士廉與韋挺岑文本令狐德棻責天下譜牒參考史傳檢正真偽進忠賢退悖德先宗室後外戚退新門進舊望右青梁左寒賤合二百九十三姓六百五十一家為九等號曰氏族志而崔幹仍居第一帝曰我於崔盧李鄭無嫌顧其世衰不復冠冕猶恃舊地以取資不肖子偃然自高販鬻松檟不解人間何為貴之齊據河北梁陳在江南雖有人物偏方下國無可貴者故以崔盧王謝為重今謀士勞臣以忠孝學藝從我定天下者何容納貨舊門向聲背實買爵為榮邪太上有立德其次有立功其次有立言其次有爵為公卿大夫世世不絕此謂之門戶今皆反是豈不惑邪朕以今日冠冕為等級高下遂以崔幹為第三姓班其書天下

按通鑑綱目貞觀十二年春正月頒氏族志

按貞觀政要貞觀六年太宗謂尚書左僕射房元齡曰比有山東崔盧李鄭四姓雖累葉陵遲猶恃其舊地好自矜大稱為士大夫每嫁女他族必廣索聘財以多為貴論數定約同於市賈甚損風俗有紊禮經既輕重失宜理須改革乃詔吏部尚書高士廉御史大夫韋挺中書侍郎岑文本禮部侍郎令狐德棻等

刊正姓氏普責天下譜牒兼據憑史傳剪其浮華定其真偽忠賢者褒進悖逆者貶黜撰為氏族志士庶等及進定氏族等第遂以崔幹為第一等太宗謂曰我與山東崔盧李鄭舊既無嫌為其世代衰微全無官宦猶自云士大夫婚姻之際則多索財物或才識庸下而僂仰自高販鬻松檟依託富貴我不解人間何為重之且士大夫有能立功爵位崇重善事君父忠孝可稱或義道清素學藝通博此亦足為門戶可謂天下士大夫今崔盧之屬唯矜遠葉衣冠寧比當朝之貴公卿以下何暇多輸錢物兼與他氣勢向聲背實以得為榮我今定氏族者誠欲崇樹今朝冠冕何因崔幹猶為第一等祇看卿等不貴我官爵耶不論數代已前祇取今日官品人才作等級宜一量定用為未則遂以崔幹為第三等至十二年書成凡百卷頒天下又詔曰氏族之美實繫於冠冕婚姻之道莫先於仁義自有魏失御齊氏云亡市朝既遷風俗陵替燕趙古姓多失衣冠之緒齊韓舊族或乖禮義之風各不著於州閭身未免於貧賤自號高門之胄不敦匹嫡之儀同名唯在於竊貨結褵必歸於富室乃有新官之輩豐財之家慕其祖宗競結婚姻多納貨賄有如販鬻或自貶家門受辱於姻婭或矜其舊望行無禮於舅姑積習成俗迄今未已既紊人倫實虧名教朕夙夜兢惕憂勤政道往代害害咸已懲革唯此弊風未能盡變自今已後明加告示使識嫁娶之序務合禮典稱朕意焉

貞觀二十年賜奚可度者姓李氏

按唐書太宗本紀不載 按北狄奚傳奚亦東胡種

太宗貞觀三年始來朝開十七歲凡四朝貢帝伐高麗大曾蘇支從戰有功不數年其長可度者內附帝為置饒樂都督府拜可度者使持節六州諸軍事饒樂都督封樓煩縣公賜李氏

高宗末徵六年皇后改王皇后姓為蟒氏蕭良娣姓為暴氏

按唐書高宗本紀末徵六年冬皇后殺王庶人

按高宗王皇后傳后王氏并州祁人太宗以為晉王妃帝即位立為皇后初蕭良娣有寵而武才人

貞觀末以先帝宮人名為昭儀俄與后良娣爭寵更相毀短昭儀以偏言怒帝遂下詔廢后良娣皆為庶人囚宮中俄為武后所殺改后姓為蟒氏良娣為暴

顯慶四年詔改氏族志為姓氏錄

按唐書高宗本紀不載 按高士廉傳太宗氏族志

高宗時許敬宗以不敘武后世又李義府恥其家無名更以孔志約楊仁卿史元道呂才等十二人刊定

合二百三十五姓二千二百八十七家帝自敘所以然以四后姓鄧公介公及三公太子三師開府儀同

三司尚書僕射為第一姓文武二品及知政事三品為第二姓各以品位高下敘之凡九等取身及昆弟

子孫餘屬不入改為姓氏錄當時軍功入五品者皆昇諸限綰紳恥焉目為動格義府奏悉宗氏族志燒

之又詔後魏陳西李實太原王瓊榮陽鄭溫范陽盧子遷盧澤盧輔清河崔宗伯崔元孫前燕博陵崔懿

晉趙郡李楷凡七姓十家不得自為昏三品以上納幣不得過三百匹四品五品二百六品七品百悉為

歸裴夫氏禁受陪門財先是後魏太和中和四海望

族以實等為冠其後矜尚門地故氏族志一切降之王妃主壻皆取當世勳貴名臣家未嘗尚山東舊族

後房元齡魏徵李勣復與昏故望不減然每姓第其房望雖一姓中高下縣隔李義府為子求昏不得始

奏禁焉其後天下衰宗落譜昭穆所不齒者皆稱禁昏家益自貴凡男女皆潛相聘娶天子不能禁世以

為敝云 按李義府傳義府瀛州饒陽人已貴乃言

采出趙郡與諸李敘昭穆嗜進者往往尊為父兄行

給事中李崇德引與同譜既謫普州亟削去義府銜

之及復當國傳致其罪使自殺於獄貞觀中高士廉韋挺岑文本令狐德棻修氏族志凡升降天下允其

司衛少卿懷運瀛州刺史后偽為退讓請惟良等外遷無示天下私由是惟良為始州刺史元慶龍州元爽濠州俄坐事死振州元慶至州憂死韓國出入禁中一女國妹帝皆寵之韓國卒女封魏國夫人欲以備嬪職難於后未決后內忌甚會封泰山惟良懷運以岳牧來集從還京師后毒殺魏國歸罪惟良等盡殺之氏曰復

中宗嗣聖元年太后復李敬業姓徐氏賜李思文姓武氏即武后光宅元年

按唐書武后本紀光宅元年十月丁酉復敬業姓徐氏按李勣傳勣子震震子敬業襲英國公武后既廢中宗又立睿宗實亦因之諸武擅命唐子孫誅戮天下憤之敬業乘人怨起兵魏思溫為軍師武后遣左玉鈴衛大將軍李孝逸兵三十萬往擊之削其祖父官爵毀家藏除屬籍初敬業之叔思文為潤州刺史敬業兵起以使間道聞固守踰月城陷敬業責曰廬陵王繼天下無罪見廢今兵以義動何過拒邪若太后是助宜即姓武思溫等欲殺之敬業不許及揚楚平乃獨免后遂賜武姓歷春官尚書

嗣聖五年太后改越王貞瑯琊王冲等姓為武氏即武后垂拱四年

按唐書武后本紀垂拱四年九月丙辰削越王貞及瑯琊郡王冲屬籍改其姓為武氏丙寅殺韓王元嘉魯王靈夔范陽郡王禽黃國公譔東莞郡公融及常樂公主皆改其姓為武氏按韓王元嘉傳垂拱中元嘉與子譔及越王冲糾合宗室同舉兵謀泄后逼令自殺詔改氏元嘉魯王越王為武按越王貞

傳中宗廢居房陵貞乃與韓王元嘉及王子黃公譔魯王靈夔王子范陽王禽霍王元軌王子江都王緒及子瑯琊王冲計議反正垂拱四年九月后遣左豹韜衛大將軍鞠崇裕夏官尚書岑長倩率兵十萬討之以鳳閣侍郎張光輔為諸軍節度乃下詔削貞父子屬籍改氏武

嗣聖六年太后改紀王慎為武氏即武后永昌元年

按唐書武后本紀末昌元年七月丁巳流紀王慎於巴州改其姓為武氏按紀王慎傳初貞連諸王起兵慎知時未可獨拒不與合將就誅而免改氏武載以檻車謫巴州薨於道

嗣聖七年周改睿宗姓及傳游藝等姓俱為武氏即武后天授元年

按唐書武后本紀天授元年九月壬午改國號周乙酉降皇帝為皇嗣賜姓武氏按武后傳御史傳游藝率關內父老請革命改帝氏為武又魯羣臣固請妄言鳳集上陽宮亦雀見朝堂天子不自安亦請氏武示一尊按傳游藝傳游藝衛州汲人載初初由合宮主簿再遷左補闕武后奪政即上書說符瑞勸后當革姓以明受命后說罷給事中閔三月進同鳳閣鸞臺平章事即拜鸞臺侍郎乃黜唐稱周廢唐宗廟自稱皇帝賜游藝姓武氏按笑臧傳阿史那彌射子元慶拜鎮國大將軍行左威衛大將軍武后擅命率諸蕃長請賜睿宗氏曰武

按通鑑綱目嗣聖七年九月武氏改國號曰周稱皇帝以豫王旦為皇嗣改姓武氏以史務滋為納言宗泰客檢校內史傳游藝為鸞臺侍郎平章事並賜姓

武嗣聖八年周改光順等姓為武氏即武后天授元年

按唐書武后本紀不載按通鑑綱目嗣聖八年八月周改義豐王光順等姓武氏幽之宮中光順太子賢之子也與弟守禮守義及睿宗諸子皆幽閉宮中不出門庭者十餘年

按唐書契必何力傳何力子明襲封武后時明妻及母臨洮縣主皆賜姓武按此年無考以相從姑附於武

元宗開元元年改實懷貞姓為武氏賜太平公主崇簡姓李氏

按唐書元宗本紀不載按實懷貞傳懷貞同中書門下三品兼太子詹事監修國史又以尚書右僕射兼御史大夫軍國重事宜其平章元宗受內禪進左僕射封魏國公與太平公主謀逆既敗投水死追戮其尸改姓毒氏按太平公主傳主謀廢天子賜死於第子崇簡索知主謀苦諫主怒榜掠九楚至是復官爵賜氏李

開元二年詔更定氏族志

按唐書元宗本紀不載按柳冲傳冲好學多所研總中宗景龍中遷左散騎常侍修國史初太宗命諸儒撰氏族志甄差羣姓其後門閥興替不常冲請改修其書帝詔魏元忠張錫蕭至忠岑義崔湜徐堅劉憲吳兢及冲共取德功時望國籍之家等而次之外蕃酋長襲冠帶者析著別品會元忠等繼物故至先天時復詔冲及堅兢與魏知古陸象先劉子元等討綴書乃成號姓系錄歷太子賓客宋王師昭文館學士以老致仕開元初詔冲與薛南金復加刊竄乃定

按舊唐書元宗本紀開元二年七月丙午昭文館學士柳沖太子左庶子劉子元刊定姓族系錄二百卷上之

開元十年賜黑水靺鞨倪屬利稽姓名為李獻誠

按唐書元宗本紀不載 按黑水靺鞨傳黑水靺鞨居肅慎地亦曰挹婁開元十年其酋倪屬利稽來朝

元宗即拜勃利州刺史於是安東都護薛泰請置黑水府以部長為都督刺史朝廷為置長史監之賜府

都督姓李氏名曰獻誠以雲摩將軍領黑水經略使

隸幽州都督訖帝世朝獻者十五

按金史世紀金之先出靺鞨氏唐初有黑水靺鞨居肅慎地東瀕海南接高麗開元中來朝置黑水府以

部長為都督刺史置長史監之賜都督姓李氏名獻誠領黑水經略使

肅宗至德二載賜安抱玉姓李氏

按唐書肅宗本紀不載 按李抱玉傳抱玉本安興貴會孫世居河西善養馬始名重璋閑騎射少從軍

其為人沈毅有謀尤忠謹李光弼引為裨校天寶末元宗以其戰河曲有功為改今名祿山亂守南陽斬

賊使至德二載上言世古涼州恥與逆臣共宗有詔賜之姓因徙籍京兆舉族以李為氏

乾元二年賜董泰姓名為李忠臣

按唐書肅宗本紀乾元二年十月乙巳李光弼及史思明戰于河陽敗之事不載 按李忠臣傳忠臣

本董泰也幽州薊人少籍軍以材力奮授濮州刺史屯杏園渡許叔冀以汴下史思明泰力屈亦降思明

撫背曰始吾有左手今得公完矣與俱寇河陽泰夜

舉五百人冒圍歸李光弼詔加殿中監封戶二百名至京師賜今氏名

年賜安國臣姓李氏

按唐書肅宗本紀不載 按李國臣傳國臣河西人本姓安力能挾關以折衝從收魚海五城遷中郎將

後為朔方將積勞擢雲麾大將軍賜姓李從光弼守河陽累封臨川郡王

寶應元年代宗即位賜張忠志姓名李寶臣

按唐書代宗本紀不載 按李寶臣傳寶臣字為輔本范陽內屬奚也善騎射范陽將張鎮高畜為假子

故冒其姓名忠志事安慶緒為恆州刺史九節度師圍相州也忠志懼歸命於朝史思明度河忠志復叛

勒兵三萬固守賊將辛萬寶屯恆州相犄角思明死忠志不肯事朝義使裨將王武俊殺萬寶擊恆趙深

定易五州以獻雍王東討開土門納王師助攻莫州朝義平擢禮部尚書封趙國公名其軍曰成德即拜

節度使賜鐵券許不死他責與不賞賜姓及名

按通鑑綱目寶應元年十一月以張忠志為成德軍節度使賜姓名李寶臣

代宗大曆五年賜尚可孤姓名李嘉勳

按唐書代宗本紀大曆五年三月癸酉內侍監魚朝恩有罪自殺之事不載 按尚可孤傳可孤東部鮮卑宇文之別種魚朝恩主衛兵器其勇義為子名智

德使將兵三千屯扶風武功隊伍閑整朝恩死詔賜氏李名嘉勳李希烈叛擢為招討應援荆襄使復本

姓名

德宗貞元三年賜駱元光姓名李元諒

按唐書肅宗本紀不載 按李元諒傳元諒安息人本安氏少為宦官駱奉先養息冒姓駱名元光以積勞遷鎮國軍節度使封武康郡王俄與李晟收京師

加檢校尚書左僕射李懷光反與馬燧渾瑊討之貞元三年吐蕃請盟詔以軍從城會平涼元諒軍潘原

游瑒軍洛口以為援元諒曰潘原去平涼七十里如有急何以赴請與公連屯瑊以違詔不聽瑊壁盟所

二十里元諒密徙營次之既會劫瑊奔還元諒兵成列出而涇原節度使李觀亦以精兵五千伏險與

元諒相表裏振旅徐還時以為有古良將風是會也微元諒觀二人瑊且不免帝嘉貽賜善馬金幣良厚

因賜姓及名

憲宗元和元年賜奚索氏檀沒辱孤等姓李氏

按唐書憲宗本紀不載 按北狄奚傳元和元年君梅落身入朝拜檢校司空歸誠郡王以部酋索氏為

左威衛將軍檀訥州游奕兵馬使沒辱孤平州游奕兵馬使皆賜李氏

元和四年賜阿跌光進姓李氏

按唐書憲宗本紀不載 按李光進傳光進其先河曲諸部姓阿跌氏貞觀中內屬以其地為雞田州世

襲刺史諱朔方軍光進與弟光顏少依舍利葛旃葛旃妻其女兄也初葛旃殺僕固瑒歸河東辛雲京遂

與光進俱家太原以沈果稱從馬燧救臨洛戰汧水有功歷前後軍牙門將兼御史大夫代州刺史元和

四年王承宗范希朝引師救易定表光進為都將時光顏亦至大夫故軍中呼大小大夫俄檢校工部尚

書為振武節度使賜姓以光寵之